

四庫全書

集部

欽定四庫全書

集部

至正集卷十八

詳校官編修<sub>臣</sub>錢樾

侍讀<sub>臣</sub>孫球覆勘

總校官降調編修<sub>臣</sub>倉聖脉

校對官修撰<sub>臣</sub>戴衢亨

謄錄監生<sub>臣</sub>熊儀

欽定四庫全書

至正集卷十四

元 許有壬 撰

律詩

五言律二十二首  
五言排律十六首

待泮

愁裏時時醉  
春來日日陰  
無謀能解凍  
有句且娛心  
陶去憐儲粟  
疏歸詫賜金  
還家均一樂  
餘事任浮沉  
聞泮喜成

思鄉思附翼彌日苦相稽忽報冰為水仍傳路有泥  
篙師挈畫鷁河伯插金鷄去去休回首歸途更不迷

買舟小甚戲成四韻

紫閣三年夢清江一葉舟遂心甘跼蹐容膝儘優游  
犬卧須蟠足鴈蹲尚打頭伊誰乘萬斛自有濟川謀  
訪郭子敬祭酒于稻田山居醉中作詩贈之

攬轡澄清偏登瀛笑傲還意長殊不醉身健更當閒  
茂樹疑無屋崇臺盡得山下鄰吾有願疎懶政相關

再用前韻二首

世路辭登涉鄉居事往還莫為千日醉  
渾得幾朝閒溜雪明懸筋香雲亂博山  
詩愁誰喚起春鳥正闌闌雲凝猶出岫  
鳥倦恰知還我夢已驚覺此身惟愛閒  
白留牕外雪青愛水中山俗客從今少  
柴門莫返闌

憶可行

秋征曾有約十月便歸來南國鴈已盡  
東風花又開酒缸連月備詩擔幾時回  
手種洹溪柳青青滿釣臺

臺翁旌高年耆德妻亦同壽

壽域開無際  
禔身得最多  
子孫三釜養  
翁媼八旬過  
桑梓駢華表  
門庭蔭綠波  
風人重偕老  
吾為爾成歌

汪叔志堪老園

有地皆堪老  
惟鄉老最堪  
生涯都不校  
祖德幸無慚  
埜景收全勝  
村醅取半酣  
吾衰今夕夢  
應與子俱南

番易周吉甫師張君采為僮所殺吉甫擒僮殺之  
師讐遂復子嘏為應奉求賦

世有逢蒙後仍聞不義侯  
彛倫因盡數滄海遂橫流  
白刃吾能蹈青天志竟酬  
悠悠千載下方識報師讐

淳熙御書次其韻

翰長開府公請賦

宴安懷鴆毒板蕩任鯨吞  
南土饒風景中原失本根  
無人扶帝胄有句及漁村  
一旦天戈至潮聲遯海門

雲州劉氏貞節

貞節不為石龍門氣與高  
一天孤倚託三子立劬勞  
彛典期無數桓楣愧有褒  
詠歌誰復靳傳爾在吾曹

東安竇敬祖妻梁氏貞節

夫人胡不辜無子且無夫舅也弗能履叔兮方待哺一  
心如白水萬事在黃壚孝節闕風教聲詩播海隅

用王繼學韻題近仁御史雪林小影

松與雪相宜松風更細吹始知天放樂多在歲寒時逃  
世衣冠古看雲杖屨遲無緣遂終隱我豈出京師

送知事王安中赴樞密掾

辯幕忍咸腓人從奈我違苦辛容藥夢急緩節弦韋欲



見詩書效能教簿領稀鴻樞有公論一鶚看橫飛

圭塘獨坐 二首

我屋來西圃輪蹄二里遙晚風收菡萏秋雨長芭蕉有  
酒容開口無官免折腰柴門莫堅閉恐負野人招

地僻心逾靜詩多意轉長陰森穿竹逕甘脆剥蓮房魚  
長已堪釣醅香先自嘗敢言誇畫錦聊復此圭塘

漫書

誰謂予多蹇年來儘遂心作池通活水栽竹值連陰景

物源源出門墉步步深從知非大隱有此小山林

有舟

有舟維老樹欲動恐傷蓮遂使成虛器何由濟大川錦  
雲香捧擁煙月澹留連汎汎行無礙霜清八月天

新秋即事

莫踏蒼苔破茨門晝亦關林風秋入樹波日晚搖山原  
野蒼茫外煙霏指顧間更教安一榻月夜不須還

秋陰

秋陰宜沼上，蘚翠不曾乾。  
聽雨朝歌枕，觀雲暮倚闌。  
地寬人自在，松茂竹平安。  
天遂閒中樂，年豐酒不難。

次可行即事韻

秫田秋半熟，香入小磁缸。  
霜水清浮簾，煙嵐翠可牕。  
酒添詩癖重，茶戰睡魔降。  
笑問登山屐，吾生費幾雙。

排律

登越臺

問俗來南海，休期上越臺。  
際天迷莽蒼，拔地出崔嵬。  
五

管衣冠府連城錦繡堆勢吞蒲澗遠氣壓海珠摧嶺嶠  
橫卷石滄溟瞰一杯人驚塵世隘鳥盡碧天回霧列蕃  
中國雲摩舶上桅黑風鯨浪立紅日蜃樓開市貨煩重  
譯蠻琛盡九垓緬思雕結子徒困島夷財下瀨才分節  
雕甍又劫灰秋郊援狄泣春草鷓鴣來形勝渾如昔興  
亡不暇哀我行求古迹天遣度詩材誰慰襟懷惡多慚  
繡斧陪薄寒收毒癘微雨淨浮埃藹宜椰肉頻婆薦  
麝醅簿書聊棄置風景屬徘徊長笑魚龍駭遙歸鼓角

催壯遊心未已東北是蓬萊

泰定乙丑閏正月七日同伯庸少監捧御祝香祠  
天寶宮以苔色連修竹為韻分賦得苔字

秩祀神宮闕鳴騶甲觀來爐熏分黼宸佩玉響蓬萊八  
景中天降流雲午夜開簫聲清入骨燭泪冷成堆感格  
風生幕昭融月滿臺松擎玄鶴舞舞霞擁綵鸞迴介福應  
駢集新詩得細裁陽坡青動柳陰壁紫凝苔天運當昭  
代官寮愧譴材願持今日志庶用苔涓埃

史顯甫治書父慶八十壽用曹子貞尚書韻

舊植生芝樹新開種玉田庭闈盡鳧藻簪紱出蟬聯俯  
仰身無愧開承世有賢明時推盛典綵服照芳筵烏府  
秋如水青雲地近天郡封三品貴鄉飲一堂專夢笑非  
熊異心依顧兔圓車因探闕坐袍為賀正攢鉢重金攢  
荔茵香錦泛蓮人間得如此何處更求仙

送魯子輦赴西臺御史

弱冠名先振高風士久歆文章追古作韶濩發遺音大

罷成非晚盈科貯已深旁通嗤墨守約說謝書淫下榻  
驚詞匠擔登藹子衿銀潢輸學海玉樹照儒林鼓舞非  
吹萬登崇匪枉尋溟鴻搏直上儀鳳瑞當今小展鑾坡  
步還司憲府箴支傾堅柱石藥病富苓參元惡腥區宇  
龐思息斧砧倡言陳慷慨進疏竭忠忱遐裔隨編置彛  
倫免陸沉五車勤始效衆口噤如瘖昔也勞推轂茲焉  
遂盍簪主文推半席敝帚致千金行水知無事登車豈  
有心皂鵬騰肅肅驄馬去駸駸此日瞻卿月他年作相

霖歲寒情勿替分路念同陰

次伯庸上都寄來韻

文章君瑞世交友我忘年典璽當機要求人得俊賢一  
封新獻議三黜舊繩愆甲觀通金闕山房冷石田嘉徵  
應鱸集高躅看鶯遷只有傷心處歌聞相府蓮

遼州高士賈師敬以延祐三年六月捐館明年四  
月過其墓以詩哭之

山林多隱逸夫子獨超倫養志官旌孝居鄉俗化醇雪



螢嚴進學冰蘖凜持身明月過頭杖清風折角巾愛閒  
誠有樂守道更誰親詩酒窮元亮煙霞痼子真甫云待  
清誨遽爾掩黃塵命駕期千里傷心未六旬山英悲蕙  
帳朝議緩蒲輪有子家何慮無官志亦伸百身寧贖死  
三縣遂無人書葉芸香冷墳垣樹影新音容猶彷彿蹤  
迹已沉淪不用招魂些書名繼逸民

游蔣山次李五峰韻

道途雖僕僕得暇即登山有樂來金地何心夢玉關雪

餘梅噴白霜重樹留殷畎畝無遺秉郊原有敗菅泉香  
龍已去松老鶴初還好作菟裘計分雲住半間

和王務先見寄韻

理世足英豪同書貴俊髦士生知孔孟時至或獲臯髮  
敢千鈞繫絲憐獨繭綠官瘵費料理技癢負爬搔白首  
曾何補黃扉豈不遭風雲京國遠煙雨楚山高厭事惟  
中酒忘憂謝擬騷本同多病馬偶似賦歸陶君子幸無  
責故人仍見褒魚牋來傑句獸錦炫仙袍笑我徒重趼

多君拔一毛江湖幾年夢文史半生勞道域應深造朋  
簪愧素叨相期宜努力學海看波濤

游青山途中值雨

四郊將告旱一雨適投機敢恨妨窮勝方忻免阻饑鷗  
邊初細細馬首漸霏霏路泥塵皆淨衣沾迹尚微加鞭  
投草市假館憩柴扉急吹鳴噓過重陰突騎圍白煙映  
空走銀箭滿山飛繁響傳巖谷清寒襲布韋如麻從達  
曙有酒自忘歸收歛功何遠遨遊願不違地平波綠漲

枝重果紅肥歲事了禾黍時芳及薜薇敷腴均品物明  
潤動晴暉志喜慙椽筆踈狂謾一揮

贈萬國卿郎中

并序

廣平萬嘉閭國卿皇慶壬子為山北憲照磨燕  
山庸齋劉公實憲長長山韓從義為幕長國卿  
幼尚未冠庸齋忠厚長者有人倫鑑謂當超軼  
遠到而不才亦辱薦焉治具棋局或休期登眺  
必三人俱而不才每與焉承旨御史南臺國卿

適為臺照磨握手歡甚而庸齋從義九原不可  
作矣對酒語舊未嘗不為之流涕也俄國卿拜  
御史西臺僉雲南憲改江西河南陞副使入歷  
臺院部出為浙省正郎於是庸齋之言始驗至  
順辛未秋投綬居潤絕江來揚州致先太夫人  
賻壬申八月廿七日余北歸過之感念歲月相  
顧錯愕蓋國卿山北時年甫卅五余廿六今國  
卿髮無一黑而余亦蒼蒼矣出諸公詩文曰子

我舊過諸公可無為我紀之余惟廿年朋舊凋  
謝觸目傷心存而幸會合者有幾况舊且密莫  
吾二人若則此會可不謂難乎可不有以紀之  
乎其紀之之言曰

昔在徒陽日俱當少壯年夙心欣所遇晚歲守何堅幸  
辱明公厚仍逢幕府賢笑歌無芥蒂出入每蟬聯  
沙堤轡寒同土屋穗宋園間即到韓墅醉曾眠  
借馬僮偕樂分黑肉每偏看山寧計路沽酒不論錢  
繆荷推三

益多慚共一廬夜談常達曙公會更移筵俄索長安米  
尋乘建業船蜃蛭欣再合鴻鴈遽相捐秦樹和天遠滇  
雲捲雨旋輶車清國步烽火靜河壘善搏非攘臂豐扛  
貴息肩扣門驚倒屣分路忍先鞭世事應難料人生自  
有緣一心如白水萬事已華顛夜鶴應無怨春鶯任屢  
遷虛名何物耳好作地行仙

至正改元四月十二日戊子皇帝御龍舟幸獲聖  
寺中書右丞臣特穆爾達實參知政事臣阿魯臣

有壬扈行樂三奏命右丞前特授平章政事叅政  
進右丞臣有壬進左丞懇辭不允惶汗就列平章  
右丞曰今日遊騁之盛恩遇之隆不可不紀也悚  
懼之餘為二十韻以獻

宇宙承平日邦畿壯麗鄉宮中無暇逸湖上暫翺翔鳳  
輦重雲降龍舟萬斛驤風霆隨桂楫日月運牙樯五衛  
分輦羽千官列鴈行長年花壓帽仙妓錦連航絨絳初  
徐引鑾旂漸遠揚黎軒呈曼衍傑休遞鏗鏘玉食傳麟



脯冰壺出蔗漿魚鳶知永蹕鶯燕逐餘香夾岸金戈翊  
彌空繡幕張汀迴開瀚海天近勝錢塘翠閣峨雙島珠  
簾護兩廂九霄披瑞靄四表覩朝陽補助資遊豫登崇  
貴俊良不圖推朽質亦復被清光左轄綱維地中書政  
事堂出謀慚不學好樂願無荒喻水民堪畏從橋策最  
長濟川非所任歌詠獻巖廊

途中除夕贈胡謙牧

今夕知何夕征途適歲除素餐驚曠日清議敢寧居已

驗軒容鶴真成鼎柱車靜言思往者只有賦歸歟山好  
來天際塵空值雪餘幾程投逆旅一笑愧茆廬村酒磁  
甌淺柴煙土銚虛承恩無報效出畫莫躊躇良友煩連  
轡高談實起余詩成拈秃筆真是不中書

桂林翁挽詩

并序

廬陵永豐百三歲人曰桂林翁劉叔正者九十  
三歲時豫章熊先生朋來記其堂百歲時近而  
鄉郡遠而四方至于京師紀其德歌其壽者知

幾百首孫鶚楚奇哀為家慶集泰定甲子二月  
翁卒同郡劉奉常岳申銘其墓附集後楚奇請  
發其未盡而其紀之詳歌之盛無不盡者已獨  
念翁之生也紀若詠詳且盛若是其卒也獨劉  
一銘爾其沒而不能忘者豈容無辭以寓其鄉  
人無窮之思乎嘉楚奇之學作挽詩十六韻以  
補其闕云

百歲古云少翁年又過三杖鳩奚用

闕

天爵復何儋足

正儒門立功深理窟探浮雲常過眼積雪久盈簪月午  
琴三弄花春酒半酣闕山輸遠淡鷺水挹清甘佳趣人  
誰識虛名我豈堪化鄉非獨善種德見多男景迫仍安  
健仙遊等笑談死生皆有得俯仰更無慙子姪紛垂白  
孫曾盡出藍詩章留疊疊堂構委潭潭繼世誰能象遺  
編保不蟬生存形善頌飄忽散晴嵐鄉社如成秩先生  
實可叅懷賢嗟不及飛夢大江南

次韻可行坐嘉蓮亭有感

懶是平生癖歸田始克勤  
灌園時汲井學稼曉耕雲  
窻取山千疊舟巡沼四瀆  
倦游當稅駕勇退免移文  
誰識予心樂都忘俗務殷  
圭塘清見底銀海浩無垠  
潦倒惟營口迂疎愧致君  
天開方外境塵見隙中燠  
酒欲連宵飲膏湏繼晷  
焚讀書嗟坐廢娛老却宜  
醺園綺知高祖巢由負放  
勲至人先大節餘事及多  
聞詩少慙工部鞋多笑領  
軍郊原諏歲計風露逼秋  
分且曳泥中尾休空冀北  
羣崇臺還一上萬物正芸  
芸

送馬明初教授南歸詩并序

後至元戊寅予得請歸江夏別業明年冬游長沙明年二月安仁馬君明初來見於琅璚山其人溫醇其文粹精傾蓋如平生同游南岳更倡迭和遂同歸江夏甫七日復叅知政事命下以小兒累之又同北馬至任城明初舟覆幾不免間闕跋涉不忍予棄用中臺翰林薦堂除緩山書院山長及格擢右衛率府教授始釋褐衛官

若胥卒皆國人明初請收書教其子弟為華學  
官屬從之鳩俸檄明初買書江南因得歸省其  
家焉過予相下將別請言吁世俗之交翻覆雲  
雨况延之館塾者其為友不又密乎饗殮之不  
精不時也供侍之不慎不及也脯修之不腆也  
汲引之不酬也為主入者有能不犯於是者乎  
人情久則狎狎則慢慢則隙生焉賓主至是而  
不失歡者鮮矣而明初與予十年如一日始終

無間言有德君子哉述其槩為詩以戲之其詩

曰

吾子昔傾盖琅璫古渡頭袖文驚蜀錦懷寶重天心  
既同金斷膠因向漆投有邀須共往無倡不為酬南岳  
朝聯轡湘江暮艤舟屐窮峰頂寺詩滿水邊樓訪古由  
來喜尋芳到處留遂移衡浦隱便作武昌游坐席何曾  
煥招旌遽見求高情安旅次遐躅又神州道路多嘗險  
山川只薦愁掃雲髭兔頰塵雪弊貂裘善誘兒何幸深



藏價未收忽看鴻鵠舉甘效蜃蛭休  
洹水寒偏瑩林慮晚更幽誰知三仕已相累  
十春秋公道先揚善真才自拔尤恩袍明翡翠  
教鐸振貅貅行役仍清淡言歸藐阻修臨岐惟一語  
音信莫悠悠

至正集卷十四

欽定四庫全書

至正集卷十五

元 許有壬 撰

律詩

七言五十二首

送黃文復歸長沙

半生湖海夢依稀但誦湘南遠寄詩先友凋殘公獨健  
故園荒盡我方歸百年未滿常憂畏千里相逢又別離  
他日梨江松下路西州難似此沾衣

次阿榮存初宣尉韻

芬華刊落著才名曾見橫飛白玉城  
雙節自歸修月手九天誰聽夏雲聲  
軒扉風露清無夢杖屨林泉澹有情  
莫道東山絲竹好顛崖回首奈蒼生

歐陽初心思亭

節婦能收戰骨回肯堂仍得寧馨兒  
九原難作身未殉一息尚存心不衰  
今古有知風樹恨乾坤無盡蓼莪詩  
更將致慙明來裔亭畔豐碑待刻辭

南樓

以下五首和王  
繼學參政韻

江流天遠亂晴霞  
郭影雲深帶晚鴉  
長笛透空清似水  
健帆飛浪碧成花  
石城瓊壁神仙府  
畫棟朱簾帝子家  
詩在好山濃翠處  
莫教煙霧等閒遮

武當宮

絳節搖山引翠幢  
誰開琳宇對清江  
雲霄路近在丹竈  
松檜影寒空碧牕  
方外洞天今有幾  
人間國士自無雙  
蓬萊弱水知何處  
且繼昌黎賦下瀧

雪後登南樓

徙倚危闌俯釣船空明金碧訝鉤天寒收江影澄拖練  
晴動山光濕帶煙萬里青雲孤鶴去一竿滄海六鰲連  
惟應聽罷南飛鴈纔信人間有醉眠

沙武口望武昌

煙樹蒼蒼不見城水禽驚起背人鳴舟搖疊嶂高還下  
鴉閃殘陽滅又明闕塞夢寒愁遠道江山詩瘦苦多情  
好將身外無窮事都付滄浪欸乃聲

途中

風物過淮都入畫  
松筠當雪亦成叢  
乾坤已見來儀鳳  
霖雨多應待卧龍  
江路梅花千樹發  
海天山色四時濃  
圖南本自鷗鵬事  
不是人間不見容

橫山有高竹樓別業留信宿始歸

酒香牲腊主人歸  
正是猿驚鶴怨時  
梅影小池春入畫  
竹聲虛閣夜催詩  
世間真樂無多事  
身外浮名只費辭  
他日結茆容我隱  
一章先當買山貲

望土門山

遠峰天外碧嵯峨，滿貯鵝夷信馬過。  
堤柳雨餘黃著色，野塘冰盡綠生波。  
十年俗駕迷途遠，一片春山勝事多。  
却笑采詩仍習氣，何如牛背夕陽歌。

登嶽祠正陽樓用同年李伯強留題韻

青山高處結層樓，九點微茫認禹州。  
煙浪遠浮舟隱隱，天風清咽角悠悠。  
仲宣多感空能賦，元亮平生不解愁。  
莫望長安西向笑，蒼顏難繼少年游。



次竹樓韻

勝地佳人邂逅逢  
一林行盡翠朦朧  
松聲帶雪清欲滴  
山色到樓寒更濃  
眩目敢誇龍虎榜  
論交曾嘆馬牛風  
對床醉卧誰呼起  
却是煙村曉寺鐘

送曾學遜游淞

平生游淞勞夢想  
羨子一年行兩迴  
越地春因修楔去  
錢塘秋及看潮來  
江山清境聊乘興  
今古盛時無棄才  
便好騎鯨窮汗漫  
海天東向有蓬萊

和同年李芳齋縣尹韻

牛刀何足展君長  
妙割雖多不用銛  
彭澤秫隨楊柳種  
河陽花帶桂枝香  
當時文會人千里  
幾度月明天一方  
回首茫茫又南北  
暮雲深處望琴堂

題孫幹卿父裕寓公芝圖

商山遠采竟無徵  
坐上天教見一莖  
風紀政刑真有感  
乾坤嘉瑞豈徒生  
紫雲墮地收不起  
玉樹凌空長又成  
此去百祥仍作頌  
高門橋梓自同聲

和繼學見寄韻

憶昔乘風在帝傍，珠璣紛落五雲鄉。  
藍田夙擅連城價，粉署曾分滿袖香。  
歸去山林惟魯酒，興來天地有奚囊。  
江湖何日重攜手，見說鱸魚味最長。

送術士陳九山歸九華

常記乘輶過九華，撲人濃翠濕晴霞。  
十年空作山中夢，半世猶隨海上槎。  
紫閣彤闈君盡友，清泉白石我無家。  
談玄便約同歸隱，聽罷松風自煮茶。

安僧宣慰異竹

移竹曾教竹不知  
附鞭蜩腹已端倪  
化工談笑出七子  
人力栽培無幾時  
地墳只疑龍獻角  
實成應有鳳來栖  
何須辯怪如歐老  
留作甘棠慰去思

九日次趙東昇韻

平山雲樹錦爛斑  
人倚霜空十二闌  
公館簿書常負節  
海天風雨漸成寒  
人間有地容三徑  
身外何心戀一官  
應被黃花嗤我輩  
幾時同去釣江干

風雨中憲司觀荷僉事鄭裕卿索詩

小金山下水雲多一片秋聲萬柄荷  
霞臉雨香勻膩粉翠裙風急捲輕羅  
從知柏府開仙署肯放蘭舟發棹歌  
珍重此時清絕景主人無酒耐詩何

盧仲禮知崇德州未月而頌聲作題其卷末

報政曾聞五月程君侯旬日便蜚聲  
良心感觸無愚哲荒歲施為繫死生  
才罷每於難處見詩書直到用時明  
從今早備如椽筆擬待三年頌有成

送書吏戴奎遷兩浙奎以學稱刻木像母事之

塵俗紛騰鴈鶩行就中金羽自低昂詩人尚得官長惜  
孝子忍教途路忙像貌固知非土梗精誠隨寓是羹牆  
崇卑有分君休校姓字誰沾翰墨香

題趙季文茶屋

山人有屋不容花自笑平生只愛茶鄉子墅邊鴻漸宅  
洛陽城裏玉川家清風夢斷膏粱氣小鼎雲翻粟粒芽  
不用反關嫌俗客五侯亭館自芬華

挽曹士宏

煙草佳城二十秋士林能說舊風流諸郎盡得書中祿  
此老應無地下憂逝水才華今古恨浮雲富貴死生羞  
碑銘傳滿人間世遠勝征西紀墓頭

送相士周竹泉歸金陵

可山當日剩過從神目秋涵水鏡空老子醉歌曾有贈  
阿戎多藝又相逢江湖歲晚難為客天地詩豪不救窮  
好羨蔣陵松下路幾時容我一枝筇

揚州李氏貞節

歌吹繁華市井連就中冰玉自清堅  
身將同穴生猶死月不如人缺又圓  
宅里聲光重華表古今風教有青編  
子孫堂下森蘭玉天擁春和在暮年

挽曹士由

孝友先生不愛官詠歌歸去老儒冠  
誨人昔亦非佔畢矜式今猶未蓋棺  
百世聲名毛穎重九原風雨鵲鴿寒  
虎山回首松楸路常使行人說二難



上都寄高辛甫叅議

同陰頃刻尚留連六歲同寅豈偶然  
世路往來皆傳舍人生離合有機緣  
雲山煙水幾千里霜木星辰二十年  
不日中秋定歸去紫垣明月共嬋娟

棗林閘待水

河上桅竿密似林河中流水貴於金  
雲泥咫尺隔千里道路尋常勞寸心  
風挾清寒猶作陣柳搖黃影未成陰  
人生偏側自為爾江海白鷗何處尋

送劉廷正歸臨江

士行多岐首孝廉誰能千里事  
蠶鹽良才橫棄天應惜  
游子貧歸母不嫌夜雨江湖詩更苦  
春風薇蕨夢方甜  
眼中盡是經行處誰信而今白髮添

壽李秋谷平章

黃鍾噓暖挽春留綠蟻浮香帶月  
筇宰相得閒纔是貴  
人生有子更何求家傳文字五千  
卷身在神仙十二樓  
記取年年好風景雪松霜檜豈容秋

王文煥三喪未舉以詩道其意庶有遇焉

秋風闕塞底踳踳聽罷行藏亦愴神父祖三喪俱淺土  
詩書四世只清貧由來慕義推燕趙忍復無情效越秦  
送子空言深自愧世間應有麥舟人

次王克繼憲副韻

莫道乘輅老不任公餘猶及事幽尋樹陰壓屋日亭午  
花片撲人春向深吾道升沉真有命野雲舒卷本無心  
詩豪已作狂司馬長日官曹擁鼻吟

主試遼省次提舉馬蒼山韻

六年陳迹重經過  
曾鄙揚雄賦駁姿  
簪紱敢陪英俊後  
江湖空負水雲多  
當時塗抹已堪笑  
今日冬烘其奈何  
賴是西風知客意  
一宵吹夢到漁蓑

題張德潤孝行詩卷

張奉親樞遵陸家人  
舟行值寇而無怨也

南遊具慶盡怡愉  
一旦歸來與影俱  
孝子惟知親不死  
瘴江先念事多虞  
終天有恨何嗟及  
古柏無情亦為枯  
萬里祖塋安厝了  
幾人漂泊愧黃壚

送朱本初住玉隆萬壽宮

春風煙水片帆飛去去難緇鶴氅衣仙秩受來真是貴  
世途行徧正宜歸眼空雲海天無際心折京塵夢漸稀  
日拜旌陽憑致懇若孫方困簿書圍

次石中丞敗荷韻

葢敝衣空莫主張從知柔脆敢凌霜蝕殘老葉餘枯柄  
放出清波泳太陽光綴落蛩秋冷淡夢寒栖鷺月微茫  
但教七澤根株在一脈能傳不盡香

和石中丞韻 二首

詩似天葩散異香學如瑤海引流長  
小巫平日誇神氣河伯而今見大方  
閱世壯心堅鐵石拂雲高節飽風霜  
休將山色論歸興回首安車恐轉忙

西風吹夢野尊香一舸歸來路轉長  
正賴韋絃調緩急敢離規矩妄員方  
月明杜若天如水秋入蒹葭露已霜  
好趁黃花侍尊俎明朝南海馬蹄忙

送翟志道歸毗陵

埋頭簿領惜蹉跎昨夜西風動棹歌  
豹管才呈一斑爾鴻鐘其耐寸莛何  
雲封石室玄無恙秋染蒼江翠不波  
回首毗陵相憶處山川寥落月明多

九日登石頭城詩

并序

金陵山水甲江南凡昔號勝絕著郡乘者往往  
可徵以息以游隨其所適而悉獲所欲若夫考古  
昔之廢興盡江山之形勢咫尺千里盼睠四極  
發竒胷雪滯慮非憑高眺遠如東山之於魯太

山之於天下則未易得其槩鍾阜雨花非不高也而蔽虧隱見或得或遺求形勢之備得清涼寺翠微亭蓋古石頭城也至治壬戌九日中執法石公持書郭公具酒散登馬監察御史劉傳之李正德羅君寶已咱爾文廉公瑞阿勒呼木夢吉照磨萬國卿暨有壬實佐行時宿雨初霽萬象澄澈長江鈎帶風檣出沒淮西江南諸山歷歷可數與夫川原之逶迤樓閣之雄麗雖一草



一木不能逃也金陵之美斯為盡得起坐周覽  
清興橫生執法公曰吾儕生承平位清要地勝  
事簡歲時休暇得與諸公聯轡以嬉豈偶然哉  
人生聚散雲萍飄忽昔者所與今誰此留而明  
年此會吾知其未易知也持書曰此不可以不  
紀也酒一再行二公督詩不已乃各誦所記九  
日詩率古作之傑出者相與大笑傾倒不知深  
盃之屢空也坐久風勁不可留於是借僧室飯

而歸夫欲考廢興之迹於一時有不得而悉者  
江山形勝固無恙也而石城之盛實甲金陵當  
佳節侍名公游勝地衆美具矣塵世一笑古且  
為難一日之游衆美遂具可謂尤難是宜有以  
紀之也顧沮縮於古人可乎精糧將見則糠粃  
在前有壬忘其陋而序其說且系之以詩曰

一江環抱四山圍酬節追歡刺費詩鴈影不隨雲盡處  
秋光都在雨晴時當年玉樹人何在明日黃花蝶豈知

便駐高軒拚醉倒絕勝無酒繞東籬

分行南海初發建康

聖世要荒覆載均年年分節徧咨詢  
一鞭殘月馬如電萬里清秋筆有神  
南海雲霞先入夢西江花草更宜春  
但將平日清貞操歸獻吾君效野人

秋浦道中

秋浦風光世亦稀謫仙仙去久無詩  
天邊九梓青未了山上五松寒欲飛  
結屋有心真落落乘軺無計可遲遲

懷賢對景何嗟及又見行人指翠微

黃花驛

疎雨瀟瀟釀早寒荒庭寂寂掩柴關  
秋聲動地滿前竹清氣襲人無數山  
十日已為千里客百年真得幾朝閒  
雲泥蹤迹初何意底用題詩傳舍間

饒州光華樓

輪奐飛空四面牕臨風暫得息紛咙  
民生盡逐魚鰕利郭影半涵雪水邦  
鴈足曳雲添暮景角聲吹月滿寒江

鄉關何處休愁絕湖海元龍氣未降

曉登古步五通廟閣用察掾董仲達韻

神鬼何須較屈伸倚闌高興薄層雲日開混沌三竿上路入微茫一線分世故能拋皆樂土人生無用是多聞采詩未了催行役回首山林愧隱君

濛江驛

濯叢樛木亂翳鬆敗屋疎籬卷畫中沙石漾波清練練山林纏霧濕濛濛穿宵盡入堯天覆鳩舌能將漢語通

問俗無功深自愧采詩歸去繼王風

贈歐陽逌存次其韻

到處公侯倒屣迎祇緣湖海有先聲  
長貧正坐詩為祟博學誰教藝得名  
物外煙霞窮樂事人間花草任春榮  
一聲鐵笛飄然去明月秋江徹底清

監試上都次柳道傳途中韻

二首

川原風色晚蕭騷發軔塵沙一日勞  
明世疎慵竟何補長途筋力謾相磨  
天邊白草寒無際馬首青山近漸高

只恐稚圭今復有移文非我更誰嘲

歲寒沙蹟瑩無泥客子身心付馬蹄山雪斑斕僵樹立  
寒天空濶暮鴻低傷心臺上人千載想像河梁手一攜  
當日是非何足較躡雲吾欲挽虹霓

游西山得疾同年焦德元以詩見寄次韻答之

好山佳客正相資仰盡危巔俯折枝泉石豈能真作疾  
神靈應怪不留詩可憐隱几低垂處猶夢穿雲踴躍時  
若問維摩真疾否小窻危坐自能知

岩翠霏微濕冷煙松聲浩蕩撼遙天從知勿藥本無妄  
畢竟到山還有緣短壑孤雲猶悵望清風明月且高眠  
脫如謝傳攜絲竹應是參苓剝費錢

至正集卷十五



欽定四庫全書

至正集卷十六

元 許有壬 撰

律詩

七言五十三首

和繼學寄分省諸公韻 二首

粉署涼多酒易消  
紫垣天近慣聞韶  
甘分桐乳朝承宴  
香惹爐煙晚退朝  
行殿日華明玉藻  
清灤秋影熨冰綃  
聖時扈從臣無策  
願棄樓船只就橋

西掖梧桐一院陰  
太平官府靜沉沉  
敢叨紫綬承黃閣  
曾受青燈鍊赤心  
漳水風煙千里隔  
蓬山宮闕五雲深  
小牕退食成佳趣  
恰好茶香月轉琴

送胡宗文教諭崇陽

教邑休辭展布難  
一方儀範幾人看  
但教多士有矜式  
大勝達官惟素餐  
梓匠不言能辨器  
泮池雖小可觀瀾  
聖門事業須加力  
更與乖崖締歲寒

宿程松壑月香亭

秋興亭前秋已清月香亭上月方明人間臺榭如三島  
山頂笙歌徹五更醉客日中猶未起歸舟風急不容行  
新涼漸到平津閣誰信長江隔兩城

青山醉中題詩芭蕉葉上海朝宗折歸解怒齋元  
帥賦詩見贈次其韻

雲片輕明界綠絲揮毫真與墨相宜翠遮湖石八九扇  
清受主人多少詩老圃風霜休蠹毀騷鄉縑楮自神奇  
可憐輦虺推敲處渾似羈牕聽雨時

武昌出郭用解之昂御史韻

風急天高霜信傳江村回首思悠然雲生遠岫濃還澹  
路轉荒陂斷復連交友得陪天下士此生當作地行仙  
陽春白雪真難和目斷疎林一抹煙

青山道中呈之昂

抗走塵埃已厚顏杖藜猶未厭躋攀畫圖紅葉煙中樹  
詩句碧雲天外山釣艇遠隨波上下舊游疑在夢中間  
眼前俗慮都排遣安得浮生盡日間

陽羅懷古用之昂韻

憶昔天戈執未撞眼中已見趙孤降  
上游先擣腹心地末路敢云層齒邦  
自是乾坤開盛世誰言南北限長江  
登臨不用多惆悵詩滿奚囊酒滿缸

登陽羅祠用之昂韻

憑高四顧水連天隔斷紅塵覺地偏  
風月一觴容我輩舳艫千里記當年  
大江東去終歸海炎徼南窮未是邊  
清世身閒亦多幸詩成須和不須傳

舟中無寐呈之昂

攬衣歌枕聽江聲殘夢茫茫續不成  
一棹觥船三日醉  
幾星漁火四山明  
游心鴻鵠天邊去  
得句魚龍水底驚  
三老長年都絕倒  
南州吾客久無卿

詠酒露次解怨齋韻

世以水火鼎鍊酒  
取露氣烈而清  
秋空沆瀣不過也  
雖敗酒亦可為其法  
出西域由尚方達貴家  
今汗漫  
天下矣  
譯曰阿爾奇云

水氣潛升火氣豪一溝圍繞走銀濤璇穹不惜流真液  
塵世皆知變濁醪上貢內傳西域法獨醒誰念楚人騷  
小爐涓滴能均醉傲殺春風白玉槽

詠酒蘭膏次恕齋韻

世以酥入茶為蘭膏恕齋取雞子黃入酥治酒形色  
甚相類而味則迥絕又謂之酒蘭膏云

空房醜婦尚須求七椀何如醺一甌混沌黃中雲乳亂  
鴈鴝斑底蠟香浮不教焦氏稱歡伯誰信盧家有莫愁

從此武夷溪上月好移光彩照青州

之昂以七月望賞月有詩已而中秋果無月遂和

其韻

許大明光何處收當時清景若為留世間節序空膠柱  
老子襟懷在玉舟向使不為終夕醉真成虛負一年秋  
更憐病客書牕下風雨瀟瀟藥滿甌

賴謙齋安撫以詩招飲次韻答之

平生燕越徧遨遊不似晴川剩得秋便把漢江都釀酒



要教塵世總無愁當年謬挽千鈞筆此去惟須一釣舟  
三徑寒香應未減鴈霜蛩月肯回頭

飲淡香亭次恕齋韻

四面松筠一徑苔兩池如壁繞崇臺沙鷗狎客不肯去  
野鶴橫江時復來身老山林惟有屐興深江海欲無杯  
蘭亭至樂有觴詠底用新粧燦落梅

欲招樂府予止之故云

淡香亭散復飲月香亭因宿焉

一日天教四美并淡香亭罷月香亭風高漢水翻秋碧

雲盡淮山送晚青有酒便從元亮飲無琴何用子期聽  
今宵大別多情月不似當時照獨醒

同之昂宿郎官湖太白祠飄然樓主人黎東軒年七  
十三吹洞簫間以觴詠至四鼓始寐時九月十五  
日也

半醉飄然樓上時眼中如見謫仙詩洞簫聲挾霜飛早  
瑣闥光迷月轉遲清話一宵無芥蒂美人千載共襟期  
郎湖留得黃花在一任蜂愁蝶不知

飲謙齋秀野園

松菊芙蓉左右通，有亭都在水雲中。  
遙峰入座輕顰翠，落葉迎人慢舞紅。  
丘壑一區真有分，弓刀千騎竟何功。  
我詩便為君圖取，却笑王維是畫工。

題瀘州先氏書岳

王顛孟蹶蜀何堪，何似先家復此岳。  
千古異端終反正，一鄉多士見司南。  
懷歸有夢驚華髮，濟美無求漫綠衫。  
更為諸孫申祖訓，莫教喬木擅雲龕。

次韻高堯臣太監 二首

堪輿俯仰一為人，水有波濤陸有塵。但使寸心如日月，  
儘教多事似參辰。平生行業非充隱，到處溪山可卜隣。  
花柳前川寓言耳，胷中自是一壺春。

風月無邊物外人，可能人海抗巖塵。青雲華貫慙書考，  
白髮遺經益競辰。道德幾年思尚友，煙霞何日得為隣。  
試看老圃荒寒處，須信黃花正是春。

分臺憶洹溪陪胡安常侍御晚坐因以寄之

洄溪西望暮山稠  
山影涵溪翠不流  
松柏相望才二里  
萍蓬輕別又三秋  
霜臺多幸叨聯署  
野服何年續舊游  
蠓紫菊黃應咫尺  
請君先為浣鄉愁

題國子生葉恒父謙甫墓碣後

達材今古出成均  
恒也方期學日新  
甘廢晨昏思養志  
忍居天地遽忘親  
丈夫聞道死無憾  
生子作儒家有人  
片石青山足傳信  
肯教埋鼎獨稱仁

次韻題湖廣叅政實喇特穆爾詩卷

萬古寬公若一辭人心真偽豈容欺義當為處戒無勇  
天未定時疑有私夢者覆蕉誇得鹿攬夫吹竹會逢羅  
東隅已逝桑榆在廷尉從教愧釋之

題三原張周卿孝義卷

人生孝義本天衷踐履當由學力克風化日回三代上  
春和今萃一門中繁陰已見滋芳桂餘潤猶能及轉蓬  
此去佳名藏不得涇橋明月照無窮

高麗僧無外扣馬求詩口占授之

墨儒名行吾能別內外有無師自知萬里歸來仍是客  
衆緣消盡未忘詩雪泥留迹鴻飛遠雲海連天鶴度遲  
莫使雞林專紙貴好將新句寄京師

送同年趙繼清赴潮州推官

五十六人同擢第年來南北幾升沉潮陽合有文章士  
吾子初無富貴心毆鱷又當勞筆陣化鵬誰信困蹄涔  
君家自昔傳清節更要詒謀後視今

送王從義赴東平總管

東府多儒冠列州凋零今似葉經秋田廬復值連年水  
牧守定懸千里憂教養政思吾子去循良當向古人求  
政成自有如椽筆擬作歌詩頌魯侯

如上京

策騎年年徧兩京但慙無賦繼張衡出城便與青山會  
涉世惟催白髮生新雨煙蕪皆秀色嫩涼雲樹已秋聲  
尊空客散郵亭遠恰是思家第一程

午日過桑乾嶺



酒香蒲嫩負龍城却得溪山勝處行地入高寒疑節換  
路逢奇絕更詩成緬懷勾水湛忠列何幸清時扈聖明  
眼底羈懷又無奈林間時聽子規聲

題范彥昇南野園

心閒人境自無譁誰向明時學種瓜身外有求惟是酒  
園中無地不宜花山林捷徑難投足天地行窩便作家  
莫遣雞聲驚夢覺軟紅塵土又東華

題昌平劉諫議祠

一卷春秋兩鬢皤丹誠貫日口懸河策能匡世時不用  
天實厭唐人奈何自古大材多薄命而今我輩亦登科  
可憐薰腐俱塵土得以高名永不磨

六十里店飲友人帳內

繡箔紅飄輦路雲竹櫺清度屬車塵天牕下瀉風如水  
月榻前留草作茵仙府瓊漿斟沆瀣太官珍脯擘麒麟  
醉歸躍馬桓州道誰信繩樞槁頂人

宴慈仁殿周覽山川喜而有作

累朝仙帳似星躔咫尺鈞天別有天  
龍虎岡陵圍不斷  
鳳鸞樓殿鬱相連  
翠榆舞影交馳道  
紅藥飛香入御筵  
螻蟻小臣無以祝  
兩宮聖壽萬斯年

從左大夫奉命郊勞右大夫太平王野宿灤都西  
北二十里地曰察爾吉摩多與雲莊治書同帳明  
發疾驅馬上飲漣有作

斗帳幘幪僅二人  
薄氈藉草幾時溫  
夜深露逼身如洗  
天近星垂手可捫  
一殘寒泉均盥漱  
半囊餘漣了饔飧

言歸自是人無勇茅屋空閒老瓦盆

左大夫獵得兔

大夫銜命下天墀小試元戎短窄衣  
風日半寒人半醉山川如畫馬如飛  
四圍遠勢周遭合一片歡聲得俊歸  
小校成擒何足道豺狼多少緩明威

陪右大夫太平王祭先太師石像像琢白石在灤  
都西北七十里地曰旭泥白負重臺架小室貯之  
祭以酒澶注口徹則以肥馘周身塗之從祖俗也

因裁鄙語用紀異觀

石琢元臣貴至堅元臣何在石依然巨盃注口衣從濕  
肥哉塗身色愈鮮范蠡鑄金功豈並平原為綉世誰傳  
臺前斬馬踏歌起未信英姿在九泉

謝右大夫贈馬

王家駉乳幾三千撫贈賓僚日屢牽方念何功勞驛騎  
况承高義薄雲天愧無詩謝如張藉只有驢乘笑浩然  
不用都人行且避看山吾欲裊吟鞭

飲左大夫家有高昌僧能琵琶合曲而又善謔俚  
佐尊焉

柏霜花月勢相違紅袖何如破衲衣音響偶聞仍梵唄  
談言微中寓禪機一時遂悟忘形樂萬事無過盡醉歸未  
信色聲俱是幻更煩青塚弔明妃

和閑閑宗師至上京韻

二首

建瓴天下奠皇都聖祖神功曠世無灤水清浮金闕  
動蹕林梢射錦雲鋪自憐簪筆螭頭近深愧盤空鶚影

孤却望居庸南去路瘠田茅屋香荆湖

夷夏襟喉控兩都兩都形勢漢唐無垂衣已定千年治  
封事仍求萬字鋪香殿晝閒雲氣合瓊樓天迴月輪孤  
太平裨贊慚無策猶幸人間有五湖

至順辛未六月見文宗皇帝於大安閣後廊甲戌  
夏重來有感而作

修廊晴旭射紅塵燕坐曾朝蟻臣靜憶玉音猶在耳  
絕憐金地只傳神橋陵弓劍成千劫灤水旌旗僅四巡

大聖繼天春萬彙感恩無奈淚沾巾

奎章閣

先帝憂勞總萬機退朝游息不宮閑  
球琳璀璨開玄圃  
奎壁森羅拱紫微  
圖史聖功方未已  
乾坤神器遽長違  
詒謀有道心無憾  
千古中天日月輝

除奎章閣侍書學士中臺奏留戲簡閣中諸老

盛世真材藹鄧林  
天容樗散廁餘音  
鑾坡風月無清福  
烏府冰霜豈素心  
空使羣賢留半席  
不教弊箒直千金



萬年奎壁光如日歲晚斯盟肯再尋

龍岡賜燕

以下二首和  
吳宗師韻

至元新制漢官儀萬馬東西歷翠微  
初服盛裝三日燕和鈴清振九旂旂  
明珠火齊輝棕殿上醞珍羞及布衣  
但願普天均此樂莫拘千里詠邦畿

謁太子宮

五雲東郭起青宮仙仗旌旗掩映紅  
少海波明花萼盛廣寒天近桂香通  
談經敢廁鑾坡客毓德當延鶴

髮翁思遇等閒過設醴玉觴賜酒注新醕

予病止酒乃以玉杯

賜馬  
酪

龍岡侍燕和張孟功員外韻

山川宮闕古無雙  
列騎如花簇葆幢  
一派簫韻來月窟  
半空金碧啟天牕  
神仙畢至朝圓嶠  
寒素從誇燕曲江  
聖德鹿鳴歌不盡  
願言懷寶莫迷邦

客舍漫題用前韻

二首

國士南金未易雙  
蹇鴛何用逐麾幢  
誰家茅屋煙霞迹

也到玉堂雲霧牕鴻鴈夜寒思楚澤鱸魚秋美夢松江  
羈懷正賴詩排遣曹鄴寧辭淺陋邦

夢澤山田二百雙花為屏障樹為幢朝游常有雲隨屐  
夜飲猶邀月入牕半世謀身憐下策一時飛夢過長江  
愁來矯首西南望好在釣臺煙水邦

分臺上京往來宿洪贊徐千戶家愛其雅潔留詩  
于壁

樹陰清入小窻幽洗盡風沙出塞愁桑下本無三日夏

尊前忍負一庭秋  
山含晴靄青未了  
花謝夕陽紅欲流  
迹印雪泥聊復爾  
鴈程明日又神州

白髮

蒲柳由來不奈秋  
詩斑酒禿更相讎  
初如春雪微微見  
忽似昏星漸漸稠  
攬鏡甘投衰境去  
簪花難繼少年游  
到家應被卿卿笑  
從此明牕鐫未休

儀真寄王可毅叅政

鶴磯衝雪別君時  
欲浣離愁不計盃  
征纜已維淮甸柳

小瓶猶插漢陽梅江山到處渾如昔軒冕何心又此來  
翠鵲峰前紫荊樹春風回首望栽培

庚申除夕

燈殘香盡更躊躇須到雞聲歲始除青鬢明朝三十五  
白雲南紀六千餘未能免俗聊尊俎豈不懷歸畏简书  
兄弟無官常在側區區養志果何如

至正集卷十六

欽定四庫全書

至正集卷十七

元 許有壬 撰

律詩

七言五十四首

巡山次王君實戶部韻

鬱葱佳氣藹神都  
千騎熒煌日出初  
禾黍封墟無犬吠  
風雷品壑有龍居  
清時僚佐宜尊俎  
明日塵埃畏簡書  
最是忘歸奇絕處  
白蓮如畫碧潭虛

題林春野草堂

湘煙勻染綠蕪新著我

闕

茅管領春竹淨花深常閉戶

詩成酒熟便招賓杜家西郭今誰主戴氏東池又得隣

此去不煩王錄事郡庠應有買山綰

送李裕

天歷初曾守北門

兜鍪家世見儒冠投筆猶能赴急難南紀風雷旗影動  
北門霜雪析聲寒牀頭轉眼金隨盡盾鼻蒙塵墨已乾  
却有人間真樂在壽萱堂上好承歡



題明埒棟阿平章玉溪亭次劉楚奇韻 二首

玉驄久已倦沙堤  
丹鳳來因覽德輝  
富貴未聞無足羨  
驅馳將老要知歸  
春風北海尊常滿  
夜雨西湖水正肥  
宇宙此亭心事了  
古今明哲貴知幾

曾作人間濟海艸  
歸來端欲老西郊  
田皆種秫資鯨吸  
手自栽松待鶴巢  
尚恐山川難入詠  
焉知圖史不為譌  
高情已分門羅雀  
却許儂過仗策敲

昌平觀光樓

樓前駟騎漲紅塵樓上嵐光入酒樽肺腑幾重圍上國  
襟喉一路控中原帝王不恃關河險玉帛常隨輦轂奔  
要看煙光凝紫翠闌干倚徧待黃昏

游昌平憩縣學歸過朱都督碑

木葉凝霜水不波偷閒今日遂婆娑  
清秋林壑斜陽好豐歲郊原樂事多  
秦塞已隳仍郡縣武城雖小有絃歌  
却憐一片朱家石千古涇原臭不磨

居庸關

老子觀山亦有緣居庸來往涉三年清泉翠壁俱無恙  
皓首蒼顏漸可憐輦路雲霞秋富貴離宮花草晚暄妍  
大夫不辦升高賦自作移文第二篇

再宿洪贊徐千戶家用舊題韻

四面雲山一徑幽停驂真可釋羈愁鄙人千里回俗駕  
此地兩年逢仲秋無策不須干北闕有懷都合付東流  
故鄉莫喜并州近松柏佳城在相州

白志仁教授孝行

公嚴檢校父也

士生為學學何為百行皆由一本推竭力但思共子職  
明倫方可作人師乾坤恩德心無盡宅里光輝我豈知  
自是慶門流澤厚已傳書種到佳兒

送胡彥誠赴陝西憲使彥誠為雲南叅政朝京值  
代俄有是命

故家喬木與雲齊奕葉流芳幾折圭滇水鵲巢鳩已據  
岐陽烏府鳳還栖百年勲業青冥上一夜闕山紫氣西  
驄馬繡衣行莫止秦州黃草漸萋萋

過宣德

一簇人家暎酒帘平沙漠漠草纖纖  
疎雲漏雨只數點  
遠樹隱山餘半尖  
春盡詩因愁裏減  
地偏寒  
比夜來添  
眼前亦有娛心事  
遍野酥香酪正甜

簡秋碧孔林管勾修殿有勞諸公請作詩美之

一檄何曾綠爾袍  
便馳聲譽動時髦  
事逢強力難皆易  
官在聖門卑亦高  
自是寸忱殫職守  
敢煩多士頌賢勞  
因知天相斯文意  
如許靈光但野蒿

漁陽

天寶君王日醉眠  
孽臣遣此握兵權  
金蟆蟠腹思吞月  
鐵騎騰雲怒射天  
靈武功成凶已盡  
曲江人老世空傳  
搯撾聲斷千年恨  
荒戍蕭蕭起暮煙

曉過九弓嶺

長途無處避紅塵  
泉石相逢意便親  
路轉好山常在眼  
林深幽鳥不驚人  
半空雲樹斜撐月  
滿地煙蕪細染春  
慢裊吟鞭看青壁  
此行尤比畫圖真

曉過神山

山色冥冥驛路長  
天光雲影曉蒼涼  
荻花噴白夜經雨  
黍葉半殷秋欲霜  
男子未應屈穴老  
山翁休笑簡書忙  
却憐作吏妨幽討  
辜負奚奴古錦囊

次薊州

野風吹盡舊昏秋  
懷古長歌慘不驕  
紅樹郊原秋瑟瑟  
黃雲闕塞晚蕭蕭  
驛程三日馳千里  
樂事百年能幾朝  
髀肉暗消時自笑  
不應詩瘦沈郎腰

江西察院梅

不到江南十五年  
眼明初見玉嬋娟  
天寒歲暮人如削  
月落參橫骨已仙  
既遇風霜為真賞  
從知花草敢爭先  
廣平漫說心如鐵  
一賦清妍遠更傳

中秋偕魯子翬御史飲僉憲張允謙宅張以中字  
為韻徵詩賦 二首

好景天教二妙同  
興深殊覺酒無功  
月涵萬頃水雲裏  
秋散一庭風露中  
此夕清光徧天下  
他年佳話獨河東  
不



須更上神仙去氛翳而今已掃空

良時一笑已難逢况復尊壘得侍公樹影涼篩吟席上  
桂香清浥酒盃中碧雲不嘆人千里玉漏方催鼓二通  
怪底詩成清似水憲臺元是廣寒宮

偕監州諸君獵

山川談笑了官程射獵銷閒喜得明日薄寒清人力健  
草茸坡慢馬蹄輕老狐脫網還逢犬狡兔傷弓尚避鷹  
政恐名藩無此樂燎毛燔肉醉班荆

送可與迴武昌

昔人臨別強忘情不道中年百感生  
洹水先塋時拜掃沙溪新屋待經營  
已知肯構為賢子慎勿膠榮似繆兄  
早晚君恩聽歸去鵲磯尊酒好相迎

贈寫真徹上人

禪師曾次玉壺冰閱盡妍媸寓典刑  
正法眼供三昧手長明燈取萬殊形  
直教對面人忘畫却是無心筆有靈  
老我莫為朝貴看雲山宜著鬢星星

次東彞見寄韻

蠻獠猖狂敢弄兵，細民水旱不聊生。  
一時匡世無良策，萬里催歸見至情。  
老屋有書甘獨善，扁舟何日遂相迎。  
近來物理真叅透，拋却浮名事事清。

送湯同知之寧都

鬱孤臺上望寧都，但見青山畫不如。  
山接越天雲有瘴，地非衡浦雁無書。  
蘭舟夜月明雙鑑，竹馬春風待二車。  
休把鋤奸號能治，至誠真可及豚魚。

送張伯康降香龍虎山修天壽醮用閑閑韻

官柳搖春驛路長紅雲飛護御封香九天箕翼開玄象  
萬里風煙翳紫凰境勝宜闕祝釐地松陰應滿讀書堂  
遄歸好賦山中樂莫使啼鵲歇衆芳

寄題信州真慶宮用閑閑韻

五峰倒影碧搖空聚遠儲精擅一宮山上神仙司下土  
人間水旱待奇功結巢盡是冲天鶴題扁猶存貫月虹

山有時翁書溪  
山第一故云

它日煙霞最深處半牕應許住詩翁

寄題程氏斗山歸來亭

世途多險更多岐，只有歸途最坦夷。  
欲領溪山寧待老，試詢猿鶴已嫌遲。  
風軒月榭時時酒，茅店花村處處詩。  
寄語歸來亭上叟，有人千里共襟期。

送陶靜隱鍊師歸陽平鍊師蒙古人從祖母姓又  
因性慕弘景圖句曲山以歸

句曲陽平俱好山，山人新捧璽書還。  
高風自出族類表，遠景旋移圖畫間。  
性慕隱君真有見，心於元亮更相關。

披荆早構琳宮了却伴雲霞盡日間

和胡安常廉使盆池紅白蓮韻

十首

小瓶添水澣絺衣捧擁雙花炫碧漪霞臉勻香臨寶鑑  
仙肌凝雪出瑤池便移七澤來堂下底用孤舟泛水湄  
見說文園詩作崇相看吟到月斜時

不采芳華不製衣只憐幽潔濯清漪施朱傅粉各有態  
剗壁甃雲為此池羅機更誰懷洛浦艣船猶復夢湘湄  
便當力疾酌觴詠莫待風霜搖落時

淨友同心異色衣  
聯芳駢美照淪漪  
一泓便有滄洲趣  
千葉如觀太液池  
掌上風姿清可掬  
眼前煙景浩無湄  
古來材大難為用  
不羨花開十丈時

錦服亭亭對素衣  
圓窪涵碧灩風漪  
從知城市無多地  
只許鈞陶作小池  
月影誰移廣寒上  
野情真到孟諸湄  
老夫更和曜仙句  
直待花邊爛醉時

水宮仙子捲霞衣  
搖曳香風亂縠漪  
對鏡舞空鸞綽約  
出簾流影燕差池  
遠煙不隔人千里  
斜日猶銜玉一湄

老瓦濁醪先醉倒那知方口釣魚時

靚粧還逐紫綃衣共愛寒泓翠不漪湖石縈圍連島嶼  
碧瑤翻灩似園池莫嫌高蓋無千柄亦有浮萍蕩四湄  
昨夜雨聲秋欲碎對花那忍負良時

紅粉娥娥擁綠衣淡隨姑射翫瀾漪日華動影搖書几  
夜吹飄香到墨池尺地貯雲無盡處纖鱗環水不知湄  
莫嫌盆盎人間隘畢竟天涯有到時

玉佩霞裾雲滿衣水奩聊共弄寒漪書齋自笑有蛙井



相府不須誇鳳池坐久清風生兩腋夢回明月印重眉  
人間震澤空如海未是花神際遇時

曳杖看花振紵衣不慚霜鬢照紋漪蓋雲擁翠浮杯面  
盤露分清與硯池拍岸小山渾倒影護堦幽草亂交眉  
老翁肯作兒童態却是青蛙得意時

西風未忍裂鶉衣且助妍華細作漪常笑嬾娥專月窟  
誰教仙子共雲池華峰青壁憐無路坎井蒼煙自有眉  
把酒對花仍好客主人還似鄭當時

貴溪倪俊仲作生墓築室其傍多種竹樹扁曰慶源道院日居其間以待終焉

人生七十古來稀過此誰能必後期  
泉下春風無盡藏世間華屋有傾危  
清陰可愛偏栽竹習氣難除剩賦詩  
一視死生雖曠達眼前尊酒亦相宜

宿遵化驛呈同行友人

簿書奔走了皇華已信鉛刀勝莫邪  
京國五年三出塞羈牕十夢九還家  
愁眉常蹙詩頻草喜事不來燈自花

酒盡更沽君莫惜人生分手即天涯

秋田未登連日不飲

陋城春事易闌珊連日無由一破顏晴少雨多花不耐  
量寬殘窄酒常慳渴心幾欲雄吞海醒眼應教細看山  
便效淵明多種秫高情千古自相關

病後縱步

閉門十日謝紛譁驚見郊原換物華嘉穀偃風斜吐穗  
老葵經雨卧開花瓜茄健啖新拋藥杖屨安行足當車

便好偷閒了詩債鼓聲明日又催衙

題番陽胡氏嘉樹軒

隱君夢不到槐柯獨愛楓林日撫摩百歲故家喬木在  
一門陰德善人多吳江謾假詩傳爾漢殿其如世變何  
便好續為嘉樹傳慶源流溉有餘波

題杜縣尹義塋

生且無情死益輕豈知埋齒著前經君侯不展春風手  
逝者誰寬烈火刑已辨治功書上上更推陰德到冥冥老

天報施初非遠三品諸孫已刻銘

題邶城鄭志道義學

禮殿巍巍俯鱣堂都教晉鄙化賢良澆風自可回千載  
善士誰云隘一鄉但念人心皆孔孟豈憂今代不虞唐  
維桑與梓猶恭敬况見君家此義方

馬家洲望大別

煙波目盡渺茫間已認青青大別山山下故人應久待  
天邊倦鳥恰知還喜瞻禹柏凌雲翠却笑吳霜染鬢斑

寄語舊時詩酒伴此來真得共高閒

詠可行手栽牡丹書其壁

花是星郎手自栽  
鞞紅玉板滿層臺  
臺中幾朵已半吐  
天外片帆猶未來  
歌管春風閒繡幕  
門闌夜雨長蒼苔  
背陰留得芳華在  
應待同持瑪瑙杯

雨中登樓

二首

夢回黃鳥語間闌  
喚得幽人不暫閒  
曳杖去穿花下路  
登樓來看雨中山  
天浮遠樹青無際  
雲挾長風暝不還

樂意滿懷詩滿眼小園春色正斑斑

柴門雖設却長闕客少詩多恰是閒  
徹地深情開月沼  
可憐濃翠著雲山  
撫松藉草時行坐  
踏絮披花自往還  
午睡覺來銀鴨冷  
香薪旋削鷓鴣斑

閒居雜詩

四首

鬢髮蒼浪齒動搖自知宜退待誰招  
茶餘引鶴消春晝  
酒醒聞雞記早朝  
肥截玉肪羹縮頸  
香翻雲子飯長腰  
尚嫌門有徵詩客  
時與山人破寂寥

半山雲樹接修篁鎮日無塵到草堂  
筍牖風來書葉亂  
膽瓶花落硯池香  
壺觴自酌教微醉  
松竹猶存及未荒  
護果灌園常不暇  
誰知閒裏更多忙

鵲山東北接郊墟郭影嵐光畫不如  
九十日春朝暮雨  
兩三間屋古今書  
庭花紅礙經行處  
園竹青回翦伐餘  
滿地蒼苔愁踏破  
年來深喜故人疎

竊祿多慙號具臣  
歸田何幸作閒人  
登山臨水今非客  
病酒愁花又過春  
夢斷紫霄黃閣遠  
眼明青鏡白頭新



芥薑竹笋來相續不道茅柴味更真

至正集卷十七